

東方雜誌

東方雜誌

第十五卷 第五號

東方雜誌

第十五卷
第五號

●金權與兵權

高勞(一)

●談屑

懷葛民(七)

讀蘇子瞻志林感言 外蒙教育之一斑 豫言 南宋之節度使 濟南歷山之所見

史可法劉宗周 說從祀關岳 郭汾陽徐中山

●中國財政之觀察

高勞(三)

●俄國形勢之概要

洪家秀(二〇)

●日本造船業

急進(二)

●日本何爲不出兵歐洲乎

羅羅(三)

●夏威夷最後女王之慘史

F. E. Stafford(三)

●歐戰戰費之概要

張宏祥(四七)

●世界議和文牘彙錄(續)

張嘉森(五)

●烏克蘭問題之開展

君實(六)

●本年六月之日蝕

羅羅(七)

●中國茶業之改良

羅羅(七)

●美國對於中日移民之政策

江學輝(七)

●馬來半島(續)

薩君陸(八〇)

●算學與詭辨家

羅羅(八五)

●惠施公孫龍之哲學

胡適(八七)

●元也里可溫考(完)

陳垣(九四)

●最近之人造絹絲工業

君實(一二)

目次

民國七年
五月

●美人安特羅入演採集動物標本記

羅羅(二三)

●徽菌與人生之利害

英若(二四)

●四川省之鹽業

君實(二六)

●蒙古產之天然鹼

王士森(二二)

●歐戰中最新智識(續)

薩君陸(二四)

●暈船之防止法

匏厂(二九)

●文苑

(二三)

●桃大王因果錄(續)

陳家麟(二七)

●小說攷證卷七(續)

蔣瑞藻(二四)

●內外時報

(二九)

亞歐交通之歷史 南洋之地理及歷史 臺灣開創記 述果樹隔年結果之原因與
補救之方法 中國鹽產調查誌略 我國紙幣之流通概況 人生效率增加說 梅
德林克之人生觀 北京大學徵集全國近世謠謠簡章 成美學會一覽 家庭看護
法 一千九百十八年之肺百司篤調查記 二月末全國軍隊之調查 東遊日記續

●法令

(一九)

修正製鹽特許條例第十一條第十二條 鑛業警察組織條例 電氣事業取締條例
修正陸軍刑事條例 修正陸軍審判條例 職官任免令


●中國大事記

(二三)

插畫


北京華法教育會開會及孔德女學校開學攝影 岳陽兵燹後之攝影二幅
馬尼刺人歡迎中國總領事攝影 歐洲戰場軍隊戴面具奏樂圖 歐
洲戰場兵士在壕內作葉子戲圖 英國婦女在飛機製造廠工作圖 傷
兵新愈後之操練

影攝之禮學開行校女德孔及會開會育教法華京北



(所務事會育教法華卽號十五巷中方城東京北在地日五十一月七年七國民在時)


岳陽兵燹之後攝影



(二 其)



馬尼刺人歡迎中國總領事桂東原君攝影




1 羅儀韓君 2 馮執毅女士 3 桂君 4 桂君夫人 5 馮子正君 6 馮君太夫人

Welcome to Hon. Kwei Chih




歐洲戰場軍樂隊戴假面具奏樂之圖





歐洲戰場兵士在壕溝內坐於砲彈堆中作葉子戲以消遣

英 國 婦 女 在 飛 行 機 製 造 廠 工 作 之 圖



法方練操之後愈新兵傷





第十五卷

第五號

金權與兵權

高勞

現時具無上之勢力。足以操縱世界。鞭策社會者。其惟金權與兵權乎。擁億萬之資財。握金融之牛耳。財政上之盈虛消息。經濟界之安固動搖。悉惟其意旨所左右。一與一拒。或挹或注。每足使民生國計。生絕大之影響者。金權之勢力也。將百萬之強兵。統如林之勁旅。龍蟠虎踞。扼水陸要津。無事則擁貔貅以自重。有事則執橐籥以爭雄。所謂一怒而諸侯懼。安居而天下息者。兵權

之勢力也。而二者又常互相爲用。有金權則雖強梁之兵隊。阡弛之軍人。時或可以金錢馴伏之。利用之。而兵權在握。則又可以吸收社會之精華。攫取經濟之樞柄。凡國家之或安或危。人民之爲休爲戚。皆不外二者之作用。金權與兵權。其勢力誠偉大矣哉。

雖然。此二權者。果足以安定國家。庇護人民耶。就狹義言。具此二權者。果足以鞏固自身之尊榮。維持一己之

利益耶。夫二權之爲人類所崇尚。自昔已然。上古時代。雖未有金錢。或有金錢而無現世流通之活潑。然土地及物產。卽爲金錢之代表。凡有廣大之土地。豐富之物產者。每占勝利之優勢。羅馬之混一歐宇。雖賴武功之卓越。但其據地中海要津。握物產交通之總紐。亦爲強大之一因。而武力之爲用。在未開時代。尤爲顯著。蓋當時未有法律。文治亦極簡陋。國際間之解決衝突。主治者之統馭人民。莫不以是爲惟一之器械。降及近世。金融組織。次第精密。軍事編制。日益修明。於是二權之領域。乃愈擴大。謀人國者。不必獲得其土地也。但憑經濟之迫壓。已足使受迫者。自就於淪亡。勤武略者。不必兵刃之相接也。但擁強大之軍隊。虛聲恫嚇而已。求無不遂。欲無不償焉。然同時。法律道德。漸臻完備。對於金權兵權。常加以幾許之限制。在東洋方面。道德防止之力。爲多。而西洋方面。則法律之效用較著。以故二權雖聲勢赫奕。猶不敢顯然肆其智取豪奪。弱肉強食之所爲。

而人類自由。雖受二者之侵削。亦尙不至直接蒙其慘毒者。皆此制裁之力也。然自十九世紀物競天擇之說興。而利己主義。重金主義。強權主義。軍國主義。相繼迭起。於是金權兵權。乃藉此學說。席此時機。愈益猖獗。非復法律道德所能遏制。一方面以金融制度之完全。工商事業之發達。國際匯兌。既異常敏捷。貨幣交易。又備極靈通。雖千里外之商權。可以操持於一室。億萬人之生計。不難總攬於一人。舉凡政治社會諸問題。殆無不受金權之支配。甚至軍事行動。亦或被其牽掣。如摩洛哥事件。法人欲收回在德之債權。德國經此打擊。遂按兵而不敢開釁。卽其一例。而他方面。則以槍械船艦之堅利。飛機潛艇之發明。兵權之跋扈。亦有一日千里之勢。曩時僅在於陸上者。近且伸張於空中。從前僅限於水面者。今乃推行於海底。於是野心國及野心家。莫不亟亟焉以獲得此二權爲目的。然此二權者。有幾許之利便。亦有幾許之弊害。正用之可以福民。而利國。誤用

之亦可以致禍而招尤。是亦至可研究之問題也。

則試從國際上觀之。夫國際無正義。固不能執倫理以定其是非。顧倫理可以不言。而利害則不可不計。國際上握得金兵二權。其利害果何若乎。以利言。則長袖善舞。國外貿易。既可壟斷而取盈。國內商民。又可緣商業膨脹。以移殖於海外。且得利用債權。以干涉他人內政。而具龐大之兵力。則除防守攻戰外。更可藉爲外交殖民之後盾。公私兩法。均不得而束縛之。其裨益誠非尠小。特其背面之弊病。亦有不勝殫述者。蓋握有金權之國。其國民往往因富厚而流於驕惰。因飽暖而卽於奢靡。夫立國以社會質樸。人民勤勉爲基礎。今以資財充牣。而使風俗窳敗。品性墮落。殊非得計。就令國民仍自奮勵。不至怠荒。然以富於金錢之故。每棄其農本主義。而偏重工商。鄙夷勞力之生涯。競營都會之殖業。勢必農作減少。田隴荒蕪。食品及工業生料。不能不仰給於境外。勞動苦力。亦不得不募用外人。平和無事之時。自

不難斥金錢以交換。一旦國交決裂。來源斷絕。鮮有演成絕大恐慌者。且正貨充積。其必至之現象。爲物價昂貴。爲利率低落。爲經營商業者之增多。此數者均足致社會於机隄。普魯士受法國償金五十萬萬法郎之後。其國內轉呈不安之狀態。卽爲正貨有餘之故。不寧惟是。國富既裕。自不能不爲國外之投資。國外投資。則其國民與他國民間。必生複雜之關係。夫以資金而投諸他人領土之中。而民間復有經濟之連帶。則設有軍事發生。及外交緊急時。其政治之計畫。每有所顧忌。而不克自由行動者。此固握金權者所不能免之妨礙也。若夫兵權。其墮落人民品性。亦與金權無異。蓋欲以兵力雄視世界。必練雄厚之軍隊。然驅多數人民於營陣伍列之中。一方面奪去青年受教育求職業之光陰。致民德衰頹。實業不振。一方面復予以掠奪屠戮之訓練。養成其凶悍狠鷙之性情。則他日必有承其弊者。論者競言武裝可以保持和平。但能警戒軍實。卽可預弭戰。

禍無待實行戰鬪決不至造成殘酷青年如上文之所慮不知和平之福惟和平可以召致之苟兢兢焉蒐討軍事則日中必彗操刀必割騎虎之勢有不釀成戰爭不止者況乎此既作俑彼必效尤競長爭高誰肯相下則惟有悉索敝賦以爲持久之計而民力摧殘國本枯竭亦豈國家之福是又醉心兵權者必至之結果也

更從國內言之近世之政論家每謂一國之財政及軍政不可不統一於中央是固然矣顧統一之意義乃在畫一其制度不在收攬其事權例如財政全國出納之概略固當彙集於中央監督整理亦不能不由中央負責但其性質各有疆域中央所可自由處理者僅爲法律規定之各項此外則微特民間所有非所宜問卽地方行政所有亦不能爲法外之干涉也若誤以集權爲統一悉使隸轄於中央則利之所在卽爭之所在必至內外相持上下交征強者扣留弱者隱匿而財政益形紊亂此種現狀在政府權力薄弱及財政素乏統系之

國家最易發生而是等國家又每易爲集權所歆動則又事理之相因者也矧財政上之私弊恆較他事爲多而事權統於一隅則私弊更易於藏匿設當事者不得其人因財權集中之故吸挪全國菁華以供不正當之使用其遺害有不堪收拾者倘更擴其占領範圍旁及國民經濟凡規模宏大之商業輒假國有之名義而改爲官營或置諸官廳監督之下則更足以灰國人企業之心開官民嫌忌之隙後此政府卽有偉大之企圖須待民間之資助者亦不能起人民之信仰收衆擎易舉之效焉至軍政之必宜統一固無待言然當用之於禦侮詰姦而不當用之於樹威植勢且其人數亦以足敷防戰之用而止苟以爲政府非有高壓之強力不足以號令一切乃壹意經武使異己者莫敢違抗得以令出惟行雖亦能償其大欲於一時然兵之爲物可以靖亂亦可以致亂不戢自焚自古有訓且當局者既藉兵權以自重則撫循駕馭不得不寬因之政令每失其均衡

法紀常爲之墮壞而彼爲軍人者知爲政府所依賴亦難免有鴟張驕悍不受羈勒者縱或威望感情足以維繫不至崩離然人存政舉人亡政息一旦維繫之人或有變易維繫之具不饜所求則囂然起矣故國家而借重兵權雖能取效於暫時往往遺殃於後葉唐末藩鎮之禍其始未嘗不統於一尊而卒成尾大不掉之禍者此其弊也然則爲一國治安計兩權之爲利爲害亦彰彰可見矣

復次更論個人從舊時之社會制度觀之個人財產無有如今日之雄厚者故其財力之所及僅限於彼所接近之社會而止於大局無與無所謂金權也自經濟革命資本集中以來歐美富豪之產業動以億兆計且巨大之公司銀行常與國家財政相關聯而行政之需賴經濟亦較前密切凡爲公司銀行及國家財政之主任者在政治上均有非常之勢力於是個人之金權乃爲世人所注目而欲於政局占重要地位者遂莫不冀得

此權以自雄抑知財力所集之地卽爲困難所在之地亦爲咎戾所歸之地平日之調劑挹注與夫度支竭蹶時之補救彌縫旣已艱於應付而各方之誅求責望又必相迭而來應之則力有窮期拒之則身爲怨府當夫國是紛亂政出多門之際其受困爲更甚比年各地苟有騷動司財政者之橫遭苛勒比比皆是若處強有力者威權之下挾雷霆萬鈞之勢執其瑕以脅迫使爲己用則尤無術可以趨避斯時爲保持地位以免罪戾計雖叢慝蒙垢敗身裂名之事亦不得不挺險而爲之匹夫無罪懷璧其罪覬覦全權者所當引爲殷鑒者也至欲握兵權以爲個人之私利則尤爲事理所不許蓋三軍之衆非一手一足所能統持則不得不分其權於偏裨將佐而此偏裨將佐所以服從命令不侵不叛者賴有名義以維繫之此名義在昔爲忠君在今爲捍國若藉以圖一人之功名富貴則功名富貴盡人所歆羨者有隙可乘彼思取而代之矣乙旣代甲丙必將起而代

乙。不。奪。不。鑿。寧。有。已。時。是。殆。以。武。力。爲。私。利。者。所。必。至。之。境。也。況。乎。握。兵。權。而。恣。睢。肆。行。必。遭。衆。忌。卽。無。內。部。篡。奪。之。發。現。亦。終。有。招。致。覆。亡。之。一。日。古。來。名。將。每。當。大。難。削。平。之。後。卽。有。解。除。兵。柄。自。求。閒。散。者。蓋。深。知。此。權。之。不。可。久。據。也。

綜上所述。則金權兵權。在國家與國際間。其利害既已互見。而個人之操此二權者。則利常不如其害焉。乃世人猶嘖嘖稱羨之。嗟乎。濁世滔滔。競營勢利。前車已覆。來軫仍道。吾惑焉。故作此篇以究其得失也。